

COMUNICATO n. 2409 del 06/09/2025

Manà fora su Trentino Tv l program l vegn endrezà dal Comun General de Fascia

“Pedies”: per en sabeda ai 6 de setember vegn fora la puntata #502 del program ladin per la televizion

[Ladino] Ence chesta setemèna l é a la leta l nef apuntament de “Pedies”, rotocalch ladin de informazion, ruà a la puntata n. 502.

I argomenc de chesta setemèna l é:

Na maor informazion per formaes tradizionèi fac col lat cruf, per na maor segurezza e cognoscenza.

Spretz Tzaorì e l Cher de Fascia, l é i inomes di formaes locai; ma l é ence chela magnadives pericolouses per bec che à manco che 10 egn, per femenes autramenter e persones scherpentes ajache l é stat jent che la é stata mèl a cajon del batterie escherichia coli. Ades co la neva regoles e na drete informazion, i consumidores i é più segures, i empèra a cognoscer i formaes e a i cercèr senza cruzies.

L Pian di Joegn la Risola, per chest uton che vegn, l perveit de meter a jir 4 projec neves ouc ai joegn anter i 11 e i 35 egn. Ence chest an l Pian di Joegn l vegn endrezà de gra a persones e sociazions lezitentes, en colaborazion col Comun General e i comuns de Fascia. L fin l é chel de tor su i besegnes di joegn, ge dèr na responeta e fèr rei sul teritorie. Duta la informazions se les troa su la piata internet del Pian di joegn la Risola, sun sie Instagram e Facebook.

Tinultima, te chesta puntata vegn portà dant n nef apuntament de la rubrica “Zebicher: per veder più davejin”. Instouta Ve porton a vijitèr l Museo Ladin de Fodom metù su del 1996 col fin de documentèr la storia e la cultura de chesta valèda leèda per secoi alalongia al rest de la Ladinia e al Prinzipat del Vescof de Persenon. Col didament del diretor conteron de la vita da zacan, di aspec etnografics e antropologics. N Museo che l vel ence esser spieie de na identità da respetèr, tegnir su e portèr inant.

I reports de chesta setemèna, enjigné da Riccardo Zanoner e Angela Pederiva i vegn porté dant co la ousc de Riccardo Zanoner

Metù a jir col sostegn del Comun General de Fascia, de la Provinzia autonoma de Trent e de la Region autonoma Trentin – Südtirol, “Pedies” l va fora su **Trentino Tv – canal 10 Prov. de TN**- vigni sabeda da les 18.00 (sie da sera), de domenia da les 13.30 (mesa la does domesdi) e de lunesc da les 11.30 (mesa les doudesc).

L program ades l va fora ence sun **AltoAdige TV – canal 11 de BZ** - vigni domenia da les 18.00 (sie da sera).

Se pel veder duta la puntates ence sul canal YouTube de TV Ladina sot chest link:

<https://www.youtube.com/@TvLadina>

opuramenter se pel veder i servijes un a un su la piata Facebook de TV Ladina.

<https://www.facebook.com/TelevijionLadina>

(us)